

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0066060 25
Zenica, 03.11.2025. godine

OPĆINSKOM SUDU U ZENICI
- Sudiji za prethodno saslušanje -
ZENICA

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

OPTUŽNICU

Protiv:

S. E., osuđivan više puta,

što je:

dana 10.10.2025. godine, oko 22,30 sati, u Z., u ulici M., spriječio službene osobe u vršenju poslova javne sigurnosti, koju su poduzeli u okviru svojih ovlasti, a što je i htio, na način da je upravljajući pmv marke ... reg. oznaka ..., nakon što je tokom redovne kontrole zaustavljen od strane policijskih službenika ..., a zbog uočenog prekršaja po Zakonu o osnovama bezbjednosti saobraćaja na putevima u BiH, koji je prethodno počinio, pa kada je svojim vozilom stao, policijski službenici M.A. i P. I. su mu naredili da isprazni sadržaj iz džepa svoje trenerke i torbice koju je nosio preko prsa, nakon čega se obratio ovim policijskim službenicima riječima: „ma koga će te vi pregledati što me peglate“, da bi potom iz džepa izvadio pvc kesicu sa sadržajem nepoznate materije bijele boje, te rekao da to pripada njegovoj majci, pa je na zahtjev policijskih službenika da im istu kesicu preda to odbio, pa kada se policijski službenik P. I. nageo u vozilo i pružio svoju lijevu ruku da uzme od osumnjičenog ovu kesicu isti ga je spriječio, na način da ga je svojom lijevom rukom udario po toj ruci, nakon čega je svoje vozilo stavio u pogon i naglo ga pokrenuo govoreći pri tom: „sad ćeš vidjeti ko sam ja“, iako je znao da se u tom momentu, gornji dio tijela policijskog službenika P. I. nalazi u njegovom vozilu i da mu time može nanijeti povredu, a što je i htio, naglo ubrzao svoje vozilo, nakon čega je drugi policijski službenik M.A. povukao kolegu I. i odvojio ga od tog vozila, kojom prilikom je policijski službenik P. I. zadobio udarac od štok vozila osumnjičenog, pa mu je na taj način nanio lake tjelesne ozljede u vidu nagnječenja grudnog koša, lijevog ramena i lijevog ručnog zgloba, nakon čega je ubrzano nastavio dalje voziti, da bi službenim vozilom za njim krenuli ovi policijski službenici sa upaljenom svjetlosnom i zvučnom signalizacijom, na koje znake se nije zaustavio svojim vozilom nego je nastavio voziti, a kada ga je patrola policije .., u sastavu policijskih službenika Ć. D. i T. M., u ulici J. pokušala zaustaviti pomoću zvučne i svjetlosne signalizacije, ponovo se oglušio na ovo upozorenje i nastavio vožnju, a za njim su vozili policijski službenici službenim vozilima sa upaljenom svjetlosnom i zvučnom signalizacijom, sve do naselja K., gdje je osumnjičeni zaustavio svoje vozilo, izašao iz istog i počeo bježati, pa se i tom prilikom nije zaustavio na jasne i glasne

naredbe policijskih službenika da stane, da bi u jednom momentu pao na asfalt, ponovo se digao i nastavio trčeći bježati od istih, a kada su ga sustigli policijski službenici P. I. i M. A., istima je pružao aktivni otpor i sprečavao da mu stave sredstva za vezivanje, govoreći pri tom P. I.: „to si opet ti, dosta je tebe više, vidjet ćeš ti kada se slijedeći put sretnemo“, nakon čega je savladan i priveden u policijsku stanicu,

čime je počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. KZ F BiH.